

欽定四庫全書

子部
仁齋直指卷七



詳校官太醫院醫士臣趙正池

編修臣倉聖脈覆勘

欽定四庫全書

仁齋直指卷七

宋 楊士瀛 撰

明 朱宗正 附遺

痰涎

痰涎方論

惟氣與血能主諸病痰亦如之痰者津液之異名人

之所恃以潤養肢體者也血氣和平關絡條暢則痰散

而無氣脉閉塞腕凝痰滯則痰聚而有痰之所以發動

者豈無自而然哉風搏寒凝暑煩濕滯以至諸熱蒸鬱
啖食生冷煎燂鯉鱣鹹藏動風發氣等輩皆能致痰也
是痰作恙為喘為嗽為壅為嘔為眩暈為風癇為狂迷
為忪悸或吞酸或短氣或痞隔或腫脹或寒熱或疼痛
痰實主之人知痛生於氣血孰知痰涎流注亦能纏滯
而為痛乎如頭風證眉稜耳角俱痛投以風藥不效投
以痰藥收功如患眼證赤腫羞明而痛與之涼劑弗膠
與之痰劑獲愈如酒家手臂痛重時或麻痺二陳湯加

片子薑黃下白圓子消飲圓倍木圓輩每每就安如鬪
家胸骨撲傷刺痛無已散血之劑罔功續以自己搜便
飲之須臾吐痰其痛立止此皆痰涎作痛之明證也然
而頑痰滿胃上脘填塞其高者因而越之法當從權取
吐或者津液不守所以痰多吐甚痰脫則精竭而斃矣
療痰之法理氣為上和胃次之若風若寒若濕若熱如
前數者亦當推尋所受之因和胃謂何涎者脾之液也
脾胃一和痰涎自散故治痰多用半夏蓋半夏能利痰

故也

痰涎證治

橘皮湯治胸膈停痰

半夏

製五兩

茯苓

陳皮

各三兩

細辛

青皮

桔梗

枳殼

甘草

炒各二兩

人參

旋覆花

去紫各一兩

右判散每服三錢薑五厚片煎服

前胡半夏湯治痰盛

北前胡

半夏製

茯苓各三分

陳皮

木香

紫蘇

枳殼製

甘草炒各二分

右剉散每服三錢薑五片烏梅少許煎服

人參飲治痰亦治嗽

人參

桔梗

半夏麴

五味子

細辛

枳殼製

赤茯苓 各一分

甘草 炒半

右剉散每服三錢薑五片煎服痰嗽加紫苑添甘草

星薑湯治痰去風

凡白南星 半兩者一箇

老生薑 三錢半

右各切片以水三盞磁器內煎取其半逐旋溫服

二聖飲治風痰

南星 各二兩
半夏 切片

右用生薑一斤搗取自然汁浸藥磁器盛之頃在鍋

內隔湯熬炆令薑汁盡焙乾為末每挑二錢入生薑
甘草少許煎湯調下或用糕糊小丸薑湯下三十丸
入煨白礬少許同丸亦得

大半夏湯治痰飲

半夏

製

茯苓

生薑

等分

右判碎每服三錢水二盞煎至一小盞溫服如熱痰
加甘草少許胃不和去甘草加陳皮

半夏丸消下痰涎

丸白半夏

老生薑

等分搗如泥焙乾

右為末煮薑汁為糊丸桐子大每三十丸薑湯下

豁痰丸治頑痰壅盛

南星

三兩

半夏

二兩各剉作大片用濃皂角水浸一宿焙乾為末

白附子

川靈脂

直僵蠶

炒去絲

華陰細辛

白礬

煨枯各一兩

全蝎

三錢半焙

右為末皂角漿煮麵糊為丸桐子大每二三十丸薑

湯下

神术丸治痰飲妙

茅山蒼术

一斤米泔浸一宿去皮切片焙乾為末

生油麻

半兩水二盞研細取

漿

大棗

十五箇煮取肉研旂入麻漿拌和藥

右末為丸桐子大日乾每五七十丸空心溫湯下

辰砂化痰丸驅風化痰

辰砂

研細

白礬

煨枯各半兩

半夏麴

三兩

南星

炮一兩

右為末薑汁調麴煮糊丸桐子大別用朱砂衣每十

金匱要略全書
卷七
九薑湯下小兒風痰一二丸

強中二薑湯溫脾胃消寒痰

良薑

乾薑

青皮

陳皮

大半夏

切開沸湯盪浸七次焙乾各一兩

南星

炮半兩

右為末薑汁調麴煑糊丸桐子大每三十九薑湯下

養正丹治腎虛氣不歸元痰涎上壅亦治寒痰每服二

十丸用降氣湯送下

二陳湯吞白丸子

方見小兒類

治痰飲一證眉心眉梁骨痛

狀如頭風

二陳湯

方見瘧類

加蒼朮片子薑黃製枳殼各少許治酒麪

積毒熱生痰攻眼腫痛

控痰良方喘嗽通用

號丹

白礬

各二兩

右以錢王搏剉一火孔先入號丹次以白礬蓋頂用炭一斤煅至火盡礬枯丹黑出火毒研細煮稀麪糊

九麻子大每服十五丸沸湯泡生薑汁送下諸頑痰
迷塞關竅不通聲音不出以三十丸研末入全蝎少
許用自然薑汁澄取清者調灌須臾吐痰立愈凡喘
促胃膈膨湃寸脉急數須從權吐之中滿內實而喘

者與解毒雄黃丸

方見積
熱門

附諸賢論

劉宗厚曰痰之為病仲景論四飲六證無擇叙內外三
因俱為切當蓋四飲則叙因痰而顯諸證者三因則論

其因有所傷而生痰者也惟王隱君論人之諸疾悉出於痰此發前人所未論可謂深識痰之情狀而得其奧者矣製滾痰丸一方絲治斯疾固為簡便較之仲景三因有表裏內外而分汗下溫利之法則疎濶矣況又有虛實寒熱之不同者哉夫痰病之原有因熱而生痰者亦有因痰而生熱者有因風寒暑濕而得者有因驚而得者有因氣而得者有因酒食而得者有因食積而得者有脾虛不能運化而生者有腎虛不能降火而生者

若熱痰則多煩熱風痰多成癰瘰奇證冷痰多成骨痺
濕痰多倦怠軟弱驚痰多成心痛癲疾飲痰多成脇痛
臂痛食積痰多成癖塊痞滿其為病狀種種難名王隱
君論中頗為詳盡學者但察其病形脉證則知所挾之
邪隨其表裏上下虛實以治之若夫子和謂飲無補法
必當去水故用吐汗下之三法治人常愈又論熱藥治
痰之誤固為詳切亦有挾寒挾虛之證不可不論夫久
痰凝結膠固不通狀若寒凝不用溫藥引導必有拒格

之患況有風寒外來痰氣內鬱者不出溫散亦何以開
鬱行滯又有血氣虧乏之人痰客中焦閉塞清道以致
四肢百骸發為諸病理宜導去痰滯必當補接兼行又
難拘於子和之三法也大凡病久淹延卒不便死者多
因食積痰飲所致何以然者蓋胃氣亦賴痰積所養飲
食雖少胃氣卒不便虛故也亦有治痰用峻利過多則
脾氣愈虛津液不運痰反生而愈盛法當補脾胃清中
氣則痰自然運下此乃治本之法也謂醫中之王道者